



TE HOPUKANGA O NGĀ UIUI

» He rārangi āwhina

- ☐ Kōwhirihia tētahi tangata hei uiui māu
- ☐ Whakaritea he rārangi pātai
- ☐ Whakamahia, tonoa rānei tētahi hangarau pēnei i te waea atamai, i te hopukanga oro ā-matihiko, e hopukina ai ngā kōrero
- ☐ Whakamātauria te hopukanga oro/te waea atamai.
- ☐ Whakaritea tētahi wāhi ngū mō te uiui
- ☐ Uia ngā pātai, ka whakarongo



Māori language parade 2019

» Hei tīmatatanga

Te whakarite i ngā ataata, i ngā hopuoro, i ngā uiuinga ā-tuhi rānei.

Tuatahi rā, kei pēnei koe ka whakaae mai tō kuia, tō whanaunga, tō hoa rānei kia uiuitia ai rātou. Kāore e kore ka puta i te hunga e pīrangitia ana e koe te kōrero, “Kāo. Kāore aku kōrero mō te reo Māori, he kōrero paraurehe noa iho ngā kōrero mōku.”

Ki te whakamārama koe i te hira o tana whai wāhi mai mō ngā reanga o tō whānau, haere ake nei, tērā pea ka tau tōna wairua.

► Te whakamōhio atu i te kaupapa ki te tangata e hiahiatia ana kia uia

- › Me poto ngā whakamārama.
- › Kōrerohia te take o tō kaupapa.
- › Whakamāramatia ngā kaupapa ka wānangahia i te uiui.
- › Whakamāramatia ka ahatia ngā uiuinga ka mutu ana āu mahi.
- › Me whakamārama ki te hunga e uiuia ana, ka āhei tā rātou whakarite heipūtanga.
- › Me tīmata te uiui, me whakarite rānei tētahi wā e hoki atu ai koe ki te hopu i ngā kōrero.

» Me whakatau: he ataata, he ororongo, he tuhinga, he whakatōpūtanga rānei.

Kāore te katoa e tau ana ki te tū kia mua i te kāmera. Tēnā whakaarohia he whakatōpūtanga o te ororongo me te hopunga ataata. Ahakoa tō tukanga, ko taua whāinga tonu: ko te pupuri i ngā whakaaro me ngā kōrero o te reo Māori o te hunga e arohanuitia ana e koe; inā koa ngā kōrero o te Kōhanga Reo.

» Me whakarite

Kia rite

Tuhia ētahi pātai mō te tangata rā. He kōrerorero te uiui nō reira kāore e kore ka puta anō ētahi pātai i a kōrua e kōrero ana.

Kua whai whakaaro mātou ki ētahi pātai hei tīmatatanga ake māu:

- › He aha te wāhi ki te Kōhanga Reo i ō hīkoinga i te ao nei?
- › I haere rānei koe ki te Kōhanga Reo? He aha ō maharatanga ki te Kōhanga Reo? E maumahara ana koe ki a wai?
- › He aha āu kōrero ki ō kaiako nōu i te Kōhanga Reo?
- › He aha āu kōrero ki ngā kaiako Kōhanga Reo o ēnei rā?
- › I pēhea nei te whakaaweawe a te Kōhanga Reo i tō ao?
- › Nōnahea i tuwhera ai tō Kōhanga Reo?
- › He aha koe i tuku ai i ō tamariki ki te Kōhanga Reo?
- › He aha tō whānau i tuku ai i a koe ki te Kōhanga Reo?



» Kōwhirihia ngā taputapu ngāwari ki a koe

Ko te kāmera, ko te hopu oro pai katoa, ko te mea kei tō taha, ā, e mōhio nei koe ki te whakamahi i a ia – kāore e kore ko tō waea. I mua i tō uiui, tēnā whakamātauhia! Whakamātauhia me ō hoa!

► E pai ai tō hopukanga

- › Whakamātauhia ō taputapu i mua i te uiui.
- › Me nui te hiko i tō waea, me whai pūkaha hou rānei.
- › Kōwhiria tētahi wāhi ngū hei kōrero mā kōrua.
- › Mehemea e hopu ataata ana koe: whakamahia he waetoru, he putunga pukapuka rānei hei whakamatua i te kāmera; me takoto pae tō kāmera e hopungia ā-paengia, e kore ai e kitea he āputa i ngā tahataha o te whakaahua; me pā i te mata e aro ai te kāmera ki te kanohi o te tangata, e mōhio ai te kāmera ko ia tonu te aronga.
- › Mehemea ka taea rānei e koe, me whakarongo ki te uiuinga mā ngā pokitaringa e tika ai te oro. Whakamātauhia te oro kia tika ai!
- › Mehemea kei te teitei rawa, ka hē ki ngā taringa. Ka mōnehunehu, ka ngangahu.
- › Ka hē hoki i a koe i te tauaro o runga ake, mehemea kei te mārū rawa.
- › Ka taea e ngā waea atamai me ngā mihini hopu oro te whakarite i te taumata e tika ana māu.
- › Ko te painga atu mehemea ka whakamātau koe i mua i tō haere.
- › I te tīmatatanga, kōrerohia tō ingoa, te ingoa hoki o te tangata e uiuia ana ki te hopuoro, e mōhiotia ai ko wai a wai.

He nui tonu ngā taupānga, pēnei i a [StoryCatcher Pro](#) mō iOS, i a [StoryCorps](#) rānei e āhei ai tō hopu inamata me te whakauru atu i ngā ataata me ngā whakaahua kua oti kē te hopu i mua. Ka āhei tō whakarite i tētahi taitara, te whakarite tapanga me te kōwhiri hoki i tētahi kaupapa hei tāhuhu mōu. Ka mutu ana tō hopukanga, ka taea rānei e koe te pupuri i te hua o āu mahi ki tō kōpaki whakaahua i tō waea, i te kapua, i te Dropbox, ā, tirohia rānei ngā wāhi kei reira ā mātou pūrokiroki rāwaho.

» Te uiuinga

Kāore he tikanga mō ngā mahi uiui. **Uia he pātai – ka whakarongo.** Uia anō he pātai, ka whakarongo anō; ina rā, ko ngā kōrero kai tua o te kupu, ki ngā kura huna e kōrerohia ana. Kei wehi tō whai wāhi atu – ka āhei tō kata, tō pōuri rānei. Ka āhei tō kī atu, “kei tawhiti, kīhai rawa au i mōhio i pērā ai koe.” Mehemea e āmaimai, e ngū ana rānei tētahi, tēnā tonoa kia whakaaturia mai ētahi whakaahua o te whānau, ka kōrero ai mō ngā tāngata kei aua whakaahua rā hei huataki i ā rātou kōrero mō ō rātou wheako me te reo Māori.

» Te whakaputu i te hopukanga

He mea nui te āta whakarite kia kouna te putunga o ōu hopukanga, e āhei ai tō whānau me tō hāpori te toro ki aua hopukanga, haere ake nei.

Anei ētahi kupu āwhina, me ētahi kōwhiringa pūrokiroki:

- › He nui ngā pūrokiroki ā-kapua me ngā ratonga tuari kōpaki pēnei i te Microsoft OneDrive, i te Dropbox, i te IDrive, i te Google Drive, aha atu.
- › Kei oralhistory.org.nz he kōrero āwhina mō [te kōwhiri i te wāhi hei pupuri i ō hopukanga o mua.](#)
- › He pūhara raraunga a [Āhau](#) hei āwhina i ngā whānau me ngā hāpori ā-iwi ki te hopu, ki te pupuri me te tuku i ngā kōrero hira me ngā hītōria ki ngā pātengi raraunga haumarua e whakahaerengia ana e ngā whānau.
- › Te pātengi raraunga taonga tuku iho a [Ngā Whare Pukapuka o Tāmaki Makaurau](#), me tana rārangi ingoa mō ētahi o ngā kōrero tuku iho.
- › [Ngā Taonga Sound & Vision](#)
- › [Te Puna Mātauranga o Aotearoa](#)
- › He kaupapa a [Mukurtu](#) (MOOK-oo-too) nō te hāpori tonu e whai ana kia whakamanahia ngā hāpori ki te whakahaere, ki te tuku, ki te kōrero me te whakawhiti i ā rātou taonga tuku iho ā-matihiko nei i runga i ngā tikanga ā-ahurea, i ngā tikanga matatika hoki
- › Tonoa tō [whare pupuri taonga ā-rohe](#) mēnā rānei ka kohia, ka pupuritia e rātou ngā hopukanga me ngā taonga puipuiaki.